

Na osnovu člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj 104/22), a u skladu sa Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima, broj: 11-07/01-11-1134-1/23 od dana 25.04.2023. godine i izmjenama Smjernica Ministarstva za odgoj i obrazovanje KS u vezi donošenja akta o vlastitim javnim prihodima broj 11-07/01-11-1134-2/23 od 11.05.2023. godine, na osnovu Odluke o davanju saglasnosti na pravilnik o vlastitim javnim prihodima Javne Ustanove OŠ „Aleksa Šantić“ broj: 02-04-50995-15.6/26 od 07.12.2023. godine, Školski odbor na 33.sjednici održanoj dana 29.12.2023. godine
d o n o s i

P R A V I L N I K O VLASTITIM JAVNIM PRIHODIMA JU OSNOVNA ŠKOLA „ALEKSA ŠANTIĆ“

I OPĆE ODREDBE

Član 1. (Predmet pravilnika)

- (1) Ovim Pravilnikom utvrđuju se vrste vlastitih prihoda, pravni osnov ostvarivanja, te namjenu i način trošenja vlastitih javnih prihoda JU OŠ „ALEKSA ŠANTIĆ“ (u daljem tekstu: Škola).
- (2) Pravilnik o vlastitim javnim prihodima JU OŠ "ALEKSA ŠANTIĆ" (u daljem tekstu: Pravilnik) se donosi u skladu sa članom 9. Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj 104/22) i Smjernica Ministarstva za odgoj i obrazovanje KS u vezi donošenja akta o vlastitim javnim prihodima, broj: 11-07/01-11-1134-1/23 od 25.04.2023. godine i Izmjena Smjernica Ministarstva za odgoj i obrazovanje KS u vezi donošenja akta o vlastitim javnim prihodima, broj: 11-07/01-11-1134-2/23 od 11.05.2023. godine .

Član 2. (Pojam vlastitih javnih prihoda)

- (1) Vlastiti javni prihodi koje ostvari Škola su javni prihodi Budžeta Kantona Sarajevo, a raspoređuju se u skladu sa Smjernicama navedenim u članu 1. stav (2) ovog Pravilnika.
- (2) Pod vlastitim javnim prihodima u smislu ovog Pravilnika podrazumijevaju se prihodi koje Škola ostvaruje obavljanjem osnovne djelatnosti i ostalih poslova na tržištu.
- (3) Pod vlastitim prihodima Škole se podrazumijevaju svi ostvareni javni prihodi koji ispunjavaju kriterij za utvrđivanje javnih prihoda definisanih članom 4. stav (1) i (3) Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH" broj 104/22).

Član 3. (Pravni osnov ostvarivanja vlastitih javnih prihoda)

Pravni osnov za ostvarivanje vlastitih javnih prihoda je:

- a) Zakon o osnovnom odgoju i obrazovanju;
- b) Pedagoški standardi i opći normativi za osnovni odgoj i obrazovanje i normativi radnog prosotra, opreme, nastavnih sredstava i učila po predmetima za osnovnu školu.

Član 4.
(Način uplate vlastitih javnih prihoda)

- (1) Uplata i evidentiranje vlastitih javnih prihoda vrši se u skladu sa Pravilnikom o vrstama vlastitih javnih prihoda u Federaciji Bosne i Hercegovine („Službene novine FBiH“, broj 104/22) i Uputstvom o izvršavanju budžeta sa Jedinstvenog računa Trezora („Službene novine Federacije BiH“, broj 34/16).
- (2) Prihodi se uplaćuju na depozitni račun Budžeta Kantona Sarajevo, a mogu se naplaćivati i u gotovini.
- (3) Škola je dužna vlastite prihode ostvarene gotovinskim plaćanjem uplatiti na depozitni račun najkasnije sljedećeg radnog dana od dana naplate istih.

II STICANJE VLASTITIH JAVNIH PRIHODA

Član 5.
(Vrste vlastitih javnih prihoda)

Pod vlastitim javnim prihodima u smislu ovog Pravilnika podrazumjevaju se prihodi koje Škola ostvari od:

- a) pružanja usluga učenicima za produženi/cjelodnevni boravak,
- b) izdavanja opreme i prostora u zakup
- c) prodaje otpadnog materijala,
- d) reklamno-propagandnih usluga,
- e) realizacije pedagoško-metodičke prakse studenata (hospitovanje),
- f) ustupanja tenderske dokumentacije u postupku javnih nabavki i
- g) kopiranja i uvezivanja pisanog materijala.

Član 6.
(Naknada za realizaciju usluga)

Naknade za realizaciju usluga iz člana 5. ovog Pravilnika utvrđuju se kako slijedi:

- a) produženi/cjelodnevni boravak za grupe učenika (naknada po učeniku):

- od 14 do 19 učenika	240 KM
- od 20 do 25 učenika	222 KM
- 26 učenika	204 KM

- b) izdavanja opreme i prostora u zakup:

- izdavanje opreme i prostora u zakup, kao i visinu naknade za zakupninu utvrđuje školski odbor odlukom, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.

- c) visinu naknada za ostale usluge koje realizuje škola navedenih u članu 5. u tačkama e), f), g), a za koje u ovom članu nije navedena cijena istu utvrđuje Školski odbor odlukom.

III RASPODJELA VLASTITIH JAVNIH PRIHODA

Član 7.

(Planiranje i raspolaganje vlastitim javnim prihodima)

- (1) Ostvareni vlastiti javni prihodi, u cijelosti se raspoređuju Školi.
- (2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.
- (3) Vlastite prihode iz člana 5. ovog Pravilnika, Škola će koristiti za pokriće izdataka nastalih obavljanjem tih poslova, a ostatak za tekuće i kapitalne izdatke.
- (4) Vlastiti prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

Član 8.

(Način raspodjele ostvarenih vlastitih javnih prihoda)

(1) Ostvareni vlastiti prihodi se raspoređuju shodno ovom Pravilniku kako slijedi:

- a) prihodi koje budžetski korisnik ostvari po osnovu reklamno-propagandnih usluga, izdavanja opreme i prostora u zakup, ustupanja tenderske dokumentacije, kopiranja i uvezivanja pisanog materijala raspoređuju se na sljedeći način:
 - 70% za materijalne troškove, tekuće održavanje i nabavku opreme i ostale namjene,
 - 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- b) prihodi koje budžetski korisnik ostvari po osnovu prodaje otpadnog materijala raspoređuju se na sljedeći način:
 - 20% za materijalne troškove, tekuće održavanje i nabavku opreme i
 - 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- c) prihodi stečeni od uplaćene naknade za produženi boravak, raspoređuju se na troškove produženog boravka koji obuhvataju
 - plate i naknade radnicima koji su sudjelovali u realizaciji produženog boravka (nastavnici u produženom boravku)-bruto plate,
 - troškove ishrane učenika tokom boravka u produženom boravku na osnovu fakture dobavljača,
 - materijalne troškove,
 - tekuće održavanje,
 - nabavku opreme

IV PRAĆENJE NAPLATE I RASPOREĐIVANJE VLASTITIH JAVNIH PRIHODA

Član 9.

(Praćenje naplate i pravovremenost raspoređivanja vlastitih prihoda)

- (1) Škola je dužna da redovno prati, putem izvještaja koji dobije od Ministarstva finansija, dospelost i naplatu vlastitih javnih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun, putem računovodstvene službe škole ili pravnog lica koje za Školu obavlja poslove računovodstva.
- (3) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V KONTROLA UTROŠKA VLASTITIH PRIHODA

Član 10.

(Izvještaj o utrošku)

Škola je dužna najmanje jedanput u 6 (šest) mjeseci Ministarstvu za odgoj i obrazovanje KS dostaviti Izvještaj o ostvarivanju i utrošku vlastitih javnih prihoda.

VI ZAVRŠNE I PRIJELAZNE ODREDBE

Član 11.

(Prestanak važenja dosadašnjeg Pravilnika)

Stupanjem na snagu ovog Pravilnika prestaje da važi: Pravilnik o kriterijima za sticanje i raspodjelu vlastitih prihoda JU OŠ „Aleksa Šantić“ Sarajevo, broj: 03.2-25/17 od 12.12.2017. godine.

Član 12.

(Izmjene i dopune)

Izmjene i dopune ovog Pravilnika vrše se na način i po postupku predviđenom za njegovo donošenje.

Član 13.

(Stupanje na snagu)

- (1) Ovaj Pravilnik stupa na snagu danom usvajanja, a nakon pribavljene saglasnosti Vlade Kantona Sarajevo i objavit će se na oglasnoj ploči kao i na web stranici škole.

Broj:03.2-1657-1/23

Datum: 29.12.2023. godine

PREDSJEDNICA ŠKOLSKOG ODBORA



E. Zarić



11
1356
PK-66

Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-50995-15.6/23
Sarajevo, 07.12.2023. godine

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćen tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj: 104/22) Vlada Kantona Sarajevo, na **Trećoj** sjednici održanoj **07.12.2023.** godine, donijela je

ODLUKU
O DAVANJU SAGLASNOSTI NA PRAVILNIK O VLASTITIM JAVNIM
PRIHODIMA JAVNE USTANOVE OŠ "ALEKSA ŠANTIĆ"

I

Daje se saglasnost na Pravilnik o vlastitim javnim prihodima Javne ustanove OŠ "Aleksa Šantić", broj: 03.2-1044/23 od 07.08.2023. godine.

II

Ova odluka stupa na snagu danom donošenja i objavit će se u "Službenim novinama Kantona Sarajevo".



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
6. Javna ustanova OŠ "Aleksa Šantić" (putem Ministarstva za odgoj i obrazovanje Kantona Sarajevo),
7. Za objavu u "Službenim novinama Kantona Sarajevo",
8. Evidencija,
9. Arhiva.



JU OSNOVNA ŠKOLA „ALEKSA ŠANTIĆ“ SARAJEVO

Broj:03.2-1657-2/23

Sarajevo, 29.12.2023. godine

Na osnovu člana 94. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20, 33/21) i Odluke Vlade Kantona Sarajevo o davanju Saglasnosti na Pravilnik o vlastitim javnim prihodima JU OŠ „Aleksa Šantić“ broj: 02-04-50995-15.6/26 od 07.12.2023. godine, Školski odbor na 33. sjednici održanoj dana 29.12.2023. godine, donosi

ODLUKU

**o usvajanju Pravilnika o vlastitim javnim prihodima
JU OŠ „Aleksa Šantić“ Sarajevo**

Član 1.

Usvaja se Pravilnik o vlastitim javnim prihodima JU OŠ „Aleksa Šantić“ Sarajevo.

Član 2.

Pravilnik o vlastitim javnim prihodima JU OŠ „Aleksa Šantić“ Sarajevo bit će objavljen na oglasnoj ploči škole kao i na web stranici.

Član 3.

Stupanjem na snagu ovog Pravilnika prestaje da važi Pravilnik o kriterijima za sticanje i raspodjelu vlastitih prihoda JU OŠ „Aleksa Šantić“ Sarajevo, broj: 03.2-25/17 od 12.12.20217.godine.

Član 4.

Odluka stupa na snagu danom donošenja.

O b r a z l o ž e n j e

Na osnovu člana 110. Zakona o osnovnom odgoju i obrazovanju („Službene novine Kantona Sarajevo“ broj:23/17, 33/17, 30/19, 34/20, 33/21), a u vezi sa članom 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“ broj:104/22), Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima broj: 11-07/01-11-11134-2/23 od 11.05.2023.godine i Odluke o davanju saglasnosti o vlastitim javnim prihodima JU OŠ „Aleksa Šantić“ broj: 02-04-50995-15.6/26 od 07.12.2023, Školski odbor je donio Odluku kao u dispozitivu.

PREDSJEDNICA ŠKOLSKOG ODBORA